

## **NOVENA DE PASCHISCEDDA**

### **Saludu de su Presidenti**

Solu: In nòmini de su Babbu de su Fillu e de su Spiridu Santu. Totus:  
Amen.

S. Sa gràtzìa de su Segnori nostru Gesu Cristu, s'amori de Deus e sa comunioni de su Spiridu Santu siat cun totu bosatrusu.

T. E siat cun tegus puru

S. Ecu, dèu ap'a benni allestru, e nd'ap'a portai cun mei sa paga,

T. Po torrai a donniunu cufromma a s'opera sua.

S. Dèu seu s'Alfa e s'Omega, narat su Segnori Deus.

T. Su primu e s'urtimu, Su chi fiat, Su chi est e Su chi ad'a benni.

S. Su Spiridu e s'isposa nanta: Beni!

T. E chini ascutada torrit a nai: Beni!

S. Chini tenit sidi, bengada.

T. Chini bolidi, pighidi s'àcua de vida.

S. Chini atestat custas cosas narada: Eja, ap'a benni allestru!

T. Amen-Gesus! Beni , Segnori Gesùsu!

## CANTU DE IS PROFETZIAS

S. Lompendi est su Segnori: benei a dd'adorai.

T. Lompendi est su Segnori: benei a dd'adorai.

1. Gosadindi, sa filla de Sion, |  
alligradindi, sa filla de **Gerusalemmi**: +  
*ecu*, su Segnori ad'a benni, |  
e cussa di si at a fai una luxi manna. |  
De is montis e de is serras is àcuas nd'anta **calai** alligrasa, \*  
*ca benit* unu profeta mannu |  
e issu at arrennovai sa citadi *de Gerusalemmi*.

T. Lompendi est su Segnori: benei a dd'adorai.

2. Ecu, at a benni su Deus umanau |  
issu s'ada a setzi in su tronu **de Dàvidi**: +  
*bosatrus* e totu d'eis a biri |  
e si nd'ada **allirgai** su *coru* bostru.

T. Lompendi est su Segnori: benei a dd'adorai.

3. Ecu, ada benni su Segnori, s'amparu nostru, |  
su Santu de Israeli; |  
in conca ada potai sa corona **de** su rénniu, +  
*e ad* a cumandai de mari a mari, |  
fintzas a is urtimas **làcanas** de *sa terra*.

T. Lompendi est su Segnori: benei a dd'adorai.

4. Ecu, ad'a cumparri su Segnori, |  
e a fuerdu spéndiu non ada mancai+  
*chi no* benit luegusu, billaiddu *abetendu* |  
ca ada benni e *non ada* istentai.

T. Lompendi est su Segnori: benei a dd'adorai.

5. Su Segnori nd'ada calai cumenti àcua de xelu **benedita** +  
*in is* dis suas ant'a infroriri giustìtzia e paxi in *abbundàntzia*.<sup>\*</sup>  
*Totus* isurreis dant'a adorai |  
e dd'anta serbiri totu *is gentis* de *sa terra*.

T. Lompendi est su Segnori: benei a dd'adorai.

6. Ada nasci po nosu unu pipiu, |  
e dd'ant a nai **Deus** fotti, +  
*Issu* s'ada setzi in su tronu de Dàvidi su babbu |  
e ad'essiri su *rei* nostu; \*  
*a issu* apartenint sa fortza, sa **sapientzia** e su rènniu.

T. Lompendi est su Segnori: benei a dd'adorai.

7. Betlemmi, citadi de su Deus Soberanu |  
de tui nd'ad'a benni su Segnori de **Israeli**: +  
*is orìginis* suas funti de su princìpiu de is dis de s'**eternidadi**,  
e in su mundu dd'ant a connosci *mannu* e bonu; \*  
sa bénida sua nad'abettiri *sa paxi* in *terra* nostra.

T. Lompendi est su Segnori: benei a dd'adorai.

S'ùrtima di si aciungidi:

8. Benei, l su tempus de sa sarvesa **esti** lompendi.+  
*Cras* e totu dd'eis a biri |  
e po nosu at a regnai su **Srabadori** de *su* mundu .

S. Acanta est su Segnori  
T. Benei a dd'adorai.

## LETTURA DE SA DI'

## SERMONI

## AMMANITZADE!

Solo: Si sos frores chi chircades  
sunt de amore!

Coro: *Si sos frores chi chircades  
sunt de amore!*

Solo: Su caminu ammanitzade  
de su coro e de sa mente  
Ca est colendhe su Segnore!  
Si sos frores chi chircades  
sunt de amore!

Coro: *Si sos frores chi chircades  
sunt de amore!*

Solo: Su caminu adderetzade  
de su coro e de sa mente  
Ca est colendhe su Segnore!  
Si sos frores chi chircades  
sunt de amore

Coro: *Si sos frores chi chircades  
sunt de amore!*

Solo: Su caminu imparisade  
de su coro e de sa mente  
Ca est colendhe su Segnore!  
Si sos fores chi chircades  
sunt de amore!

Coro: *Si sos frores chi chircades  
sunt de amore!*

Solo: In sa ianna est isetendhe:  
AbberideLi a intrare,  
Abberide, est su Segnore!  
Bi est sa lughe e bi est sa paghe,  
Su giardinu est de sa Vida,  
Si bi abbitat su Segnore,  
s' Emmanuele in su giardinu ,  
Cuntentesa infinida  
In su coro e in sa mente!

## CANTU DE SU POLISALMU

1. Affestint in celu, ndi gosit *sa terra*,\*  
esultai *infesta*, o **montis**.
2. Is **montis** portint frutu *de paxi*, \*  
dognia campu pottidi su frutu de *giustitzia*.
3. Ca **est** benendi su Segnori **nostu**, \*  
e de totu is pòburus nd'ada tenni *piedadi*.
4. De **is** celus altus arròsidi e de is nui calit sa *giustitzia*, \*  
s'abrexada sa terra e ndi nasciada *sa salvesa*.
5. Arregodadindi de nosu, o **Segnori**, \*  
abbisitanosì cun s'aggiudu *cosa tua*.
6. Ammostasì, Segnori, sa misericordia **tua**, \*  
e donasì *sa salvesa tua*.
7. **Mandaisì** su dominadori de totu *sa terra*, \*  
de sa citadi de Petra in su desertu fintzas a su monti  
de sa *filla de Sion*.
8. Beni a si liberai, Segnori, Deus Totu *Poderosu*,\*  
torrasì faci e ponisi *in salvamentu*\_
9. Beni, Segnori, e abbisitasì *in paxi*, \*  
eus a fai festa ananti tuu cun totu *su coro*
10. Eus a connosci, Segnori, in terra nosta is *caminus tuus*, \*  
in mesu de totu is gentis *sa salvesa tua*.
11. Scidandi, Signori , totu sa *fortza tua*, \*  
e beni a *salvamentu nostu*.
12. Beni, Segnori, e non bollas istentai: \*  
perdona is crupas de sa genti *cosa tua*.
13. Oh! Si tui iast a bolli oberri is celus e calai acanta **nosta**: \*  
ananti tuu su monti e sa campagna iant a bogai *torra frutu*.
14. Beni, e torrasì faci, **Segnori** , \*  
tui, su Rei, sétziu in attu de is *Cherubbinus*.
15. Siat glòria a Deus su Babbu, siat glòria a Deus su Fillu, \*  
e paris cun issus sa glòria siad'a *Deus su Spiridu*.
16. Comenti fiat in su principiu, imoi e **sèmpiri**, \*  
siat glòria in dògnia edadi, in sèculus e sèculus. *Amen*

# **INNU**

## **CUN BOXI CRARA**

Cun Boxi crara a nos at nau  
A ndi bessir'e su scuri u  
Po si salvai de su peccau  
Apu mandau a fillu miu

S'Angioni de Deus donau  
Est beniu a nos liberai  
Donnia cristianu ingenugau Perdonu  
deppidi implorai

Su creadori Deus Babbai  
Cara de omini a pigau  
Po tottu podiri salvai  
S'umanidadi chi a creau

Grazia celesti a fecundau  
Su sinu de sa bagadia  
Cun ispantu sest'inserrau  
In is intrannias de Maria

Tempi u de deus est diventau  
Su sinu castu e immaculau  
Chen' è peccau ad' illierau  
S'Angioni chi nos at salvau

Siat gloria a Deus su Babbu  
siat gloria a Deus su Fillu  
siat gloria a su Spiridu  
impari in is seculos,  
Amen.

S. De is celus altus arròsidi e de is nius ndi calit sa giustitzia, \*

T. S' abrexada sa terra e ndi nasciada sa salvesa.

## PREGADORIA UNIVERSALI

Fradis e sorris, in su mentris chi ispetaus chi torrit su Segnori no stu Gesu-Cristu, imploraus s'amistadi sua: issu chi est bénniu in su mundu po annunciai sa nova bona de su vangéliu, e abarrat in mesu nostu in su pani sacramentau, si ongada oi puru sa salvesa sua.

### FAI, O SEGNORI!

"Is mius no funti  
is pentzamentus tuus"  
-Sa Beridadi!-  
narat su Segnori .  
E scit comentri  
est bonu su dolori  
e marigosu malu  
su chi nau amori ...

- *Fai, o Segnori,  
chi sa menti mia  
sempri prus  
pentzit a manera tua!*

"Is mius no funt  
is sentimentus tuus"  
- Sa Beridadi! -  
narat su Segnori.  
E in su coro suu  
est fillu e fradi  
comenti a mei  
a su nemigu miu.

- *Fai, o Segnori,  
chi su coru miu  
istimit sempri prus  
comenti a Tui! .*

"Is mias no funt  
is andaredhas tuas"  
- Sa Beridadi! –  
narat su Segnori.  
Istradas in calada  
Largas e isfaltadas  
Parinti prus bellas  
Ma no portant'a ingunis!

- *Fai, o Segnori ,  
chi su pei miu caminit  
sempri prus accant'a  
a Tui!*

"Is mias no funt  
is fainas tuas"  
- Sa Beridadi! -  
narat su Segnori.  
Su Gòlgota est  
in artu e si cumplit  
su miràculu de amori  
de su fillu 'e Deus.

- *Fai, o Segnori,  
chi is manus mias  
sempri prus serbant  
po s'òpera tua*

## MAGNIFICAT

Mannu *est su Segnori miu:* de coru dd'ollu **cantai**,\*  
Deus *m'at salvau:* su Spiridu mi dhu fait *nai cuntentu*.

A *mei at scioberau*, una pòbera *serbidora sua*. \*  
De imoi innantis, totu is gentis m'ant'a nai **benedita**.

Manna *m'at fatu*, Deus, su Tottu *Poderosu*,\*  
"Santu" di nant' a su nòmini **suu**:

S'amistadi sua durat po sèmpiri, de generatzionì in *generatzioni*,\*  
pro totus is chi abarrant in sa **fidelidadi** sua.

Ispantus at fattu cun *su bratzu suu*, \*  
is manusus ddus ad'ispérdius in is strampanas *insoru*.

Is *chi cumandant*, nc'i ddus a bogausu de *sa sea insoru*,\*  
mais oprimius, in attu ndi ddus a *pesaus*.

Is *famìus ddus a prenus de cosa bona*, \*  
is arricus ddus adi isbuidaus e **ispaciaus**.

A *Israeli*, fillu suu, si dd'a pigau a *manu strinta*, \*  
ca s'est arregodau de s'amistadi **sua**.

Comenti iada impromitiu a is beccius *nostrusu*, \*  
a Abramu e a s'eredeu suu, *po sèmpiri*.

Siat glòria a Deus su Babbu, siat glòria *a Deus* su *Fillu*, \*  
paris cun issus sa glòria siat a *Deus*, su **Spiridu**.

Comenti fiada in su principiu , imoi e sèmpiri, \*  
siat glòria in dognia edadi, in sèculus e sèculus. **Amen**.

S. Su Segnori siada cun bosatrus.

T. E siada cun tegus puru .

S. Pregheus impari

Gesùs, chi nascendi de sa Vírgini Maria  
ti ses fattu fradi nostu,  
tui asi traballau cun manu umana ,  
tui asi pentzau cun menti umana,  
tui asi istimau cun coru umanu.

Ses tui, Segnori sa beridadi nostra,  
tui ses sa salvesa nostra.

Tui, Gesusu,  
s'òmini nou po is àtrusu e po Deus,  
Gesusu, s'omini nou cun is àterus e cun Deus,  
Tui, pedra de fundamentu, scartada de is ominis, ma  
scioberada e pretziosa ainantis de Deus,  
tui ses su Cristu gloriosu e bivis cun su Babbu  
eternu e cun su Spiridu Santu.  
imoì e in sèculus e sèculus.

T. Amen

## RITUS DE SA COMUNIONI

V. Arregodendi is fueddus de su Srabadori  
e pesaus in sa scola sua, s'atriveus a nai:

Babbu nostu, chi ses in su xelu,  
santificau siat su nòmini tuu, bèngad'a  
nosu s'arénniu tuu,  
siat fata sa voluntadi tua  
comenti in su xelu aici in sa terra.  
Su pani nostu de dognia di donasidd 'oi;  
e perdonai is pecaus nostus  
comenti nosatrus ddus perdonaus  
a is depidoris nostus,  
e non si lessis arrui in sa tentatzioni,  
ma liberasi de dognia mali.

S. Liberasi, de mali ti pregausu,  
cuncedi paxi in sa vida nosta, chi  
s'agiudat s'amori tuu,  
eus a èssiri sèmpiri liberus de su pecau  
e a s'amparu de dognia timoria: \*

in s'abetu de s'isperàntzia santa  
chi torrit su Srabadori nostu Gesu-Cristu.

T. A tui su rénniu e sa gloria sempiri in eternu.

Segnori Gesu-Cristu,  
chi as nau a is Apòstulus tuus:  
si lassu sa paxi, si òngu sa paxi mia:  
no castis a is pecaus nostus, ma a  
sa fidi de sa Crésia tua;  
e cufromma a sa voluntadi tua  
donaddi paxi e unidadi.  
Tui chi bivis e rénnias, imoi e in sèculus e sèculus.

T. Amen

S. Sa paxi de su Segnori nostu siat sèmpiri cun bosatrus.  
T. E abarrit cun tegus puru.

S. Donaisì sa paxi.

T. Angioni donau de Deus,  
chi ndi pigas is pecaus de su mundu, teni piedadi de nosu.

T. Angioni donau de Deus,  
chi ndi pigas is pecaus de su mundu, teni piedadi de nosu.

T. Angioni donau de Deus,  
chi ndi pigas is pecaus de su mundu, donasì sa paxi.

S. Custu est s'Angioni chi Deus si dona: Issu ndi pigada is  
pecaus de su mundu.  
Pretziaus is chi Deus ponit in parti de sa cena de su Segnori.

T. Segnori, non seu dignu chi intris in domo mia:  
manara unu fuerdu solu e at a sanai s'anima mia.

## **BENEDITZIONI EUCARISTICA**

### **TANTUM ERGO**

(tradutzioni de Mons. Pilo, obispu de Ales, 1786)

• Custu grandu Sacramentu  
venereus umiliaus,  
e coment'e nui a su bentu  
cedant is ritus passaus:  
e su chi ogu non bidit  
accetteus cum firma fidi.

• A Deus Babbu onnipotenti  
e a su Fillu Redentori,  
cun su coru e cun sa menti  
alabeus cun grandu onori;  
e siat puru onori uguali  
a s'Amori eternali. Amen.

S. Pani de xelu nos as donau  
T. Pani chi a totu cantus donat sa vida.

S. Pregheus.

Deus de amistadi, chi in su pani sacramentau nos as lassau sa memoria  
de sa bénida tua, fai chi, pighendi parti a su mistériu de sa vida,  
passioni, morti e resurretzioni tua, siaus nosus puru totus'impari in sa  
Crésia corpu donau a salvesa de su mundu.

Tui chi bivis e arrénnias in siècleus e siècleus.

T. Amen

### **Aclamatziuni a pustis de sa Beneditzioni**

S. Mannu est su misteriu de sa fidi nostra

R. Tui nos as redemitiu cun sa Gruxi tua  
Ei sa resurrezione a nos at redemitiu  
Salva a nosus peccadoris  
Salva a nosus peccadoris de su mundu.

## **ACLAMATZIONIS**

Deusu siada beneditu

Beneditu siada su Santu nomini suu

Beneditu siada Gesu Cristu, Deusu e omini de beridadi

Beneditu siada su nomini de Gesusu

Beneditu siada su Coru suu Sagrau

Beneditu siada su Sanguni suu Sagrau

Beneditu siada Gesusu in su Santissimu Sacramentu de s'Altari

Beneditu siada su Spiridu Santu Paraclitu

Benedita siada Sa Mamma de Deusu, Maria Santissima

Benedita siada sa Santa e Immaculada Concetzioni

Benedita siada sa Gloriosa Assuntzioni sua

Beneditu siada su nomini de Maria Virgini e Mamma

Beneditu siada Santu Giuseppi, su sposu de Maria

Beneditu siada Deusu cun is Angelus e tottus is Santus susu.

S. Su Segnori siat cun bosatrus.

T. E siat cun tegus puru.

S. Bandai in santa pasci.

T. Deus bollada.

## NOTTE DE CHELU

Notte de chelu  
es custa d'ogni sinu  
de allegria si sentit bundare,  
ca in sa grutta es nadu su Bambinu  
dai s'inferru pro nos liberare.

*Es nadu, es nadu, es nadu su Bambinu.  
Enide, enide tottus a l'ammirare,  
enide a l'adorare,  
enide a l'adorare, a l'amare.*

Iss'a lassadu su chelu lughente  
e bennid'est a sa grutta a penare, che  
fizigheddu de povera zente  
e fit zu fizzu de su Re divinu.

*Es nadu, es nadu ...*

Subra sa paza l'ana collocadu ca  
non b'aiat lacu a reposare,  
ma sos Anghelos l'ana acoltegiadu tra  
sas istellas fatendhe caminu .

*Es nadu, es nadu...*

Pustis sun sos pastores acudidos che  
poveritos a lu saludare  
e tra lughe de chelu si sun bidos e  
tottu an bid'oro in su terrinu.

*Es nadu , es nadu...*

Pannos no at sa Mama a lu estire,  
ma sa lughe l'hat chelfid'ammantare:  
no at prendhas nè oro a si frunire, m'a  
tott'astros e mundhu in destinu.

*Es nadu, es nadu...*

## NOTI DE PAXI

Noti de paxi e de cilexia  
Su silentziu est'in totue  
Mancu folla si movit prus  
Cun ispantu abetendi Gesùs

*Su pipiu 'e sa gruta  
est su Segnore cun nos,  
su pipiu 'e sa gruta  
issu est Emanueli.*

Noti de paxi, calat sa nie  
Candu naschet su pipiu  
Ddu callentat dus pegus e bbia  
Tenit frius e non narat titia

*Su pipiu 'e sa gruta  
est su Segnore cun nos,  
su pipiu 'e sa gruta  
issu est Emanueli.*

Noti de paxi e de cilexia  
Un'isteddu artu in celu Accumpangiat su  
cantu de Maria Candu cantat sa prima  
anninnia.

*Su pipiu 'e sa gruta  
est su Segnore cun nos,  
su pipiu 'e sa gruta  
issu est Emanueli.*

## TUI CALAS DE SU XELU

Tui calas de su xelu  
Deus benedittu  
po nasci in d'una grutta  
a passai frittu.

*O Gesusu fillu de Deusu  
ca ses beniu po si salvai  
su mundu interu  
accudit a sa grutta  
a t'adorai.*

Tui chi su mundu interu  
as creau  
in terra mancu domu  
as agattau.

*O Gesusu fillu d'e Maria  
ca ses benniu po si salvai  
sandausu a sa grutta  
a ti cantai.*

Po tui chi de su mundu  
ses'architettu  
non c'est in custa terra  
mancu unu lettu.

*O Gesusu pipieddu  
ca ses benniu po si salvai  
unu manteddu  
curreusu a sa grutta  
a ti pottai.*

## *CELESTI TESORU*

*Celesti tesoru  
d'eterna allegria  
dormi vida e coru,  
riposa a ninnia.*

Reposa Segnori,  
dormi fillu amau  
a terra mandau  
po su peccadori,  
dormi cun amori  
ti canta Maria.

*dormi vida e coru,  
riposa a ninnia.*

Cun sensu giucundu  
avverau s'esti  
s'annunziu celesti  
de paxi a su mundu;  
t'amo in su profundu  
de s'anima mia.

*dormi vida e coru,  
riposa a ninnia.*

Virtudi divina  
Deus umanau  
de s'omini amau  
speranza continua,  
rosa pellegrina  
bellu prus de s'oru.

*dormi vida e coru,  
riposa a ninnia.*

Umilis pastoris  
chi vigilandu seis  
benei ca bideis  
celesti splendori;  
grazias e favoris  
dona su Messia.

*dormi vida e coru,  
riposa a ninnia.*

Dormidi Bambinu,  
dormi caru fillu,  
bellu che unu lillu,  
che unu gelsominu  
dormi in custu sinu  
de mamma Maria.

*dormi vida e coru,  
riposa a ninnia.*

In su chelu intonanta  
innus de allegria  
de Rei e Messia  
titulus ti donanta  
is santusu coronanta  
su Deus insoru.

*dormi vida e coru,  
riposa a ninnia.*

In tui esti amori,  
in tui esti scienzia, tui  
ses Redentori,  
tui ses sapienza  
somma onnipotenzia  
t'ammiru e t'adoru.

*dormi vida e coru,  
riposa a ninnia.*

Paxi o Redentori,  
paxi domandaus,  
paxi t'imploraus,  
nosus peccadoris,  
paxi cun amori  
ti domanda Maria.

*Celesti tesoru  
d'eterna allegria  
dormi vida. e coru,  
riposa a ninnia.*